

صاحب امتیاز و سر محرری
اورفه مبعونی

شیخ صفوت

مرکز توزیعی باب عالی جاده سنده
جمعیت کتبخانه سیدر

نسخه سی ۳۰ پاره در

تصوف

شرائط اشترا

سنه لکی ممالک عثمانیه ایچون
۳۰ غروش ، مصر و ممالک اجنبیه
ایچون ۷ فراقدر .

التصوف کله آداب : ابوحنس عمر بن مسلمه
عرفای امتک مقالات عارفانه لرینه تصوفک تحقیفه لری آچیقدر

تصوفه متعلق مباحث شتادن باحث و مکارم اخلاق اسلامیتک تعمیمنه خادم مجله معنویه در

معارف لدنیه

علوم و معارفک جمله سی برر شرافت مخصوصه سی
حائزدر . چونکه علی الاطلاق علوم و معارف تکملات
بشریه نک و ساطع معنویه سیدر . لکن یکدیگریته نسبتله
قیمت و شرافت لری متفاوتدر بونلرک برخی درجه ده اهم
و اشرفی ایسه معارف لدنیه در . زیرا معارف لدنیه اسماء
وصفات الهیهیه متعلقدر . هر بر علم و عرفانک شرفی
ایسه موضوع و متعلقانی نسبتده در . معارف لدنیه دن
صوکره علم فقه درجه نایسه ده در چونکه معارف لدنیه
حضرت الوهیته و علم فقه شریعت و عبادته ناظر در دیگر
علوم و فنونک جمله سی بو ایکی علم جلیک و سائلیدر .
(وما خلقت الجن والانس الا ليعبدون) آیت کریمه سی
مقتضاسیله جن و انس معرفت و عبادت ایچون خلق
بیورلشددر . (ليعبدون) کله قدسیه سی (ليعرفون)
ایله تفسیرایدن محققین علما زدننده دخی معرفت : عبادتی
متممندر . زیرا معرفت الهیهیه نائل اولانلرک طاعت
و عبادت ربانیه نک واجب اولدیفنی ادراک و بحق تقدیر
ایده جکاری بدیهیدر شو مقدمه یه نظراً اکلاشیلیورکه :
اکثر علوم علم فقهک و علم فقه عملک و عمل دخی طاعت
و عبادت ربانیه نک بر و سائل معنویه لریدر معارف لدنیه ایسه

بوطاعت و عبادتک ثمرات و مکافات غیبیه لریدر . (من اخلص لله
اربعمین صباحاً تفجرت بنایبع الحکمة من قلبه علی لسانه)
حدیث شریفی دخی بوتیسیجه لدنیه یی مثبت و مؤیددر .
معارف لدنیه : تکملات حقیقه انسانیته نک اقصادی غایات
و منتهای درجائی اولدیغه . و دیگر علوم و فنونه نسبتله
درجه اولای شرافت و اهمیتده بولمیده دایر کتب
دینیه ده بک چوق دلائل عقلیه و نقلیه ایراد ایدلمشدر .
از جمله معارف لدنیه زمهره صدیقین و اولیای کزین
حضراته مختص اولان مواهب الهیهه دندر . دیگر علوم
و فنونک تحصیل و احاطه سنده ایسه اخلاص و تقوا کی
اعمال صالحه نک وجودی شرائط اساسیه لریدن دکلدر .
هر کیم ایسترسه و هر نه صورتله اولورسه یالکز د کاومساعی
شرطیله علوم سائر یی تحصیل و احاطه ایده بیلیر حب دنیا
و سودای جاه و ریاست بونلرک تحصیلنه مانع اوله من
بلکه بوعلتلاز دها زیاده انلرک تحصیلنه غیرت بخش اولور .
معارف لدنیه ایسه بونلرک عکسنده در زیرا حب دنیا
و متابعت نفس و هوا بوموهبه ربانیه نک ظهور و تجلیسنه
مانعدر . معارف لدنیه آتقی مدرسه اخلاص و تقوا ده
احراز ایدیله جک مواهب غیبیه در . جناب علم و حکیم
تعالی و تقدس حضرت لری قرآن عظیم الشانده (واتقوا
الله و یعلمکم الله) بیورمشدر . کذا مقدمه ده دخی

اشارت ایدلیدی اوزره عبادتک معرفتیه معبودک معرفتی آراسنده فرق کلی وارد . بومرفتدن مراد : عمومک اکتساب ایدیهله چکی معرفت عامه دکادر . زیرا معرفت عامه علمای ظاهرک لسانده علمدن عبارتدر . هر بر عالمه عارف دینلیدی کی هر بر عارفده عالم دینلیر آنجکی بو معرفتدن مقصد : (و علمناه من لدنا علما) آیت کریمسی مقتضاسیه حق تعالی حضرتلرینک عباد مخلصین و خواص مقرینه بخش ایدلیدی معرفت خاصه در امام ابوالقاسم قشیری حضرتلری بیوررکه : معرفت خاصه : اسماء صفات الیه تک عرفانیله معاملات عمومیهده صدق و اخلاصی التزام و سراپا اخلاق سیئته ظاهره و باطنه درن بجانب ایدرک دائمآ جناب کبریایه ربطقلب ایله بوتون هوا جس نفسانیه درن تبری خصوصنده اقدام و اهتمام ایتمک و عظمت ربانیه تک مراقبات و ملاحظات عبودیتکارانه سیله مناجات الیهیه مظهر اوله یلمکدر . ایسته بو احوال سینه تک ثمرات منویه و مکافات غیبیه سی معارف لدنیه در عبارتدرکه بالجله علوم و فنونک اهم و اشرفی اولدینی هر درلوشک و شهیدن آزاددر . چنید بغدادی حضرتلری : (لو علمت ان تحت ادیم - السماء علماً اشرف من علمنا هذا لسعیت الیه و قصدته) بیورمشاردر .

درویشلک نهدر ؟

بو سؤاله بر قاچ صورتله جواب ویرله ییلور .
 ١ — باشنه عراقیه آرفه سنه عبا کیهرک آیین کونلری بعض درکارله دوام ایتمک واوراده مجتمعاً واقع اوله لقی ذکرلرده حاضر بولمقددر .
 ٢ — قرائض و واجبات الیه و سنن نبویه کی یابی ایفا ایتمکله برابر لذت عبودیتی ادامه و (لازال العبد یتقرب الی بالتواقل) حدیث قدسیسی موجبجه نوافل ایدده اشتغال ایتمک ایچون بر شیخه انابه ایتمک و تعلم ایده چکی اوراد و اذکاره مداومته اهل ریاضت و صاحب تقوی اولمقددر .

٣ — (یا ابن آدم انما عرفی من عرف نفسه و انما وجدنی من ترک نفسه اعرف نفسك یا انسان لتعرفی) امر قدسیسی موجبجه نفسی ییلمک و ربی بولمق مقصدیه بر مرشد کامله تسلیم اوله لقی مجاهداتی ایضا و اخلاقی تصفیه ایله روحنی تجلی ایتدیرمک و ربته واصل اولمقددر .
 ٤ — مرشد کامل اولان شیخه نه عینی و نه ده غیری اولمق شرطیه کمدی بکزه ترک اراده سز مرید اولمق یعنی حضرت جنیدک (لون الماء لون انائه) و درویش بونسک (خلق ایچره بر اینهم هرکس باقار کسیدن کورر) کلاملری مضمونجه بالا مقام هر مقامدن کورونمکدر .

شو تعریفاندن آ کلاشلورکه درویشلک نه یالکتر صورتده و نه ده یالکتر سیرتدهدر . هم صورتده و هم ده سیرتده اولمق لازمدر . بناء علیه درویشلره انفسی و آفاق اولمق اوزره ایکی وظیفه اصلیه ترتب ایدر .
 وظیفه انفسیه جسمانی و روحانی کندی نفسنه و وظیفه آفاقیه عالم بشریته قارشیدر .

درویشلرک کندی نفسنه قارشی اولان وظیفه سی : سن مکلفیه واصل اولور اولماز دنیایه نه ایچون و کیملک طرفندن نه صورتله کتیرلش اولدیفنی ملاحظه ایدرک مبدأ و معادیتی آ کلامه چالشمق بونک ایچونده اول امرده تحصیل علوم و فنون ایله اشکال و حواس ظاهریه سی بده اکتساب عرفان ایله احوال و حواس باطنیه سی الحاصل و ظائف انسانیه سی اوکرمکدر . حضرت رسول اکرم (صع) (العلم علما علم الابدان ثم علم الادیان) بیورمشددر . شبهه بوقه بوراده کی علم ابدانن مقصد فن طب دکادر . علم نفس درک آدمیتک ظاهریات و باطنیاته شاملدر (من عرفه نفسه فقد عرف ربه) حدیث شریفده بونی مؤیددر . مع هذا برسالک طیب دخی اولورسه علم نفسی دهاسم و لته الیه ایدر و فرغای آ کلاز .

بوراده برسؤال وارد خاطر اوله ییلور . اوده جاهل اولانلر درویش اوله مازلرچی ؟ حال بوکه درویش بونس کی ایچیجه سالک کیشدر . اوت ! (ذلک فضل الله یؤنیه